



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-33-32912-11/21
Sarajevo, 21.9.2021. godine

KANTON SARAJEVO
SVIM OSNOVNIM I SREDNJIM ŠKOLAMA

n/r direktora/direktorice

PREDMET: Instrukcija za postupanje, dostavlja se

Cijenjeni/cijenjena,

koristimo se prilikom da Vas obavijestimo da Ministarstvo za odgoj i obrazovanje (u daljem tekstu: Ministarstvo) svakodnevno prati izvještaje o epidemiološkoj situaciji, informacije sa terena i u kontaktu sa JU Zavod za javno zdravstvo Kantona Sarajevo, kao i preporuke Kriznog štaba Ministarstva zdravstva Kantona Sarajevo.

Prema dokumentu „Javnozdravstveni kriteriji za prilagođavanje javnozdravstvenih i društvenih mjera u kontekstu COVID-19“ koji je pripremila JU Zavod za javno zdravstvo FBiH, odgoj i obrazovanje djece zbog njihove cjelokupne dobrobiti, zdravlja i sigurnosti treba biti u prvom planu svih relevantnih razmatranja i odluka. Također, Organizacija Ujedinjenih nacija za obrazovanje, nauku i kulturu (UNESCO), Fond Ujedinjenih nacija za djecu (UNICEF) i Svjetska banka (World bank) pozvali su da škole širom svijeta ostanu otvorene tokom pandemije izazvane korona virusom, jer i kratki prekidi u školovanju djece mogu imati dugotrajne negativne učinke na njihovo učenje. Primarni zadatak Ministarstva je unapređenje kvaliteta obrazovanja i promovisanje temeljnih principa odgoja i obrazovanja, te siguran povratak učenika u školske klupe, a samo zajedničkim snagama i partnerskim odnosom možemo dostići isti.

Pozivamo Vas na dosljedno poštivanje higijensko-epidemioloških mjera i na pravovremenu imunizaciju dostupnim vakcinama. U prilogu Vam dostavljamo dokument „Aneks I metodološkog uputstva za prevenciju i kontrolu infekcije sa SARSCoV 2 i oboljenja COVID 19 u osnovnim i srednjim školama u Kantonu Sarajevo broj: 01.4-5705-1/21“.


S poštovanjem,



MINISTRICA
Naida Hota-Muminović

Prilog: 1
Dostaviti:

1. Naslovu
2. A/a




web: <http://mo.ks.gov.ba>
e-mail: mo@mo.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1





Broj: 01.4-5705-1/21
Sarajevo, 15.09.2021. godine.

Bosna i Hercegovina
Federacija Bosne i hercegovine
KANTON SARAJEVO
Ministarstvo za odgoj i obrazovanje
N/R Ministrice
Gđa. Naida Hota Muminović




PREDMET: ANEKS I metodološkog uputstva za prevenciju i kontrolu infekcije sa SARSCoV 2 i oboljenja COVID 19 u osnovnim i srednjim školama u Kantonu Sarajevo

Poštovana Ministrice,

J.U. Zavod za javno zdravstvo Kantona Sarajevo je u sklopu aktivnosti vezanih za pripremu i organizaciju nastavnog procesa u osnovnim i srednjim školama za školsku 2021/2022. godinu, a uvažavajući trenutnu epidemiološku situaciju, izradio stručno metodološko uputstvo za prevenciju i kontrolu infekcije sa SARSCoV 2 i oboljenja COVID 19 u osnovnim i srednjim školama u Kantonu Sarajevo, koje je distribuirano prema svim osnovnim i srednjim školama Kantona Sarajevo.

Od početka školske 2021/22. godine do danas, RJ za epidemiologiju J.U. Zavod za javno zdravstvo Kantona Sarajevo je imala veliki broj telefonskih poziva i E-mail upita vezano za odvijanje nastavnog procesa u slučaju pojave potvrđenih ili pozitivnih slučajeva COVID-19, za popunjavanje „Liste kontakata“ i druge nedoumice oko postupanja u navedenim situacijama.

Smatrajući da je potrebno neke dijelove metodološkog uputstva dodatno pojasniti, a želeći zaposlenicima škola i učenicima olakšati odvijanje nastavnog procesa i boravak u školi/na radnom mjestu, RJ za epidemiologiju pristupila je izradi dodatka - pojašnjenja metodološkog



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba




uputstva – ANEKS I - koje je potrebno što prije distribuirati prema koordinatorima svih osnovnih i srednjih škola na području Kantona Sarajevo.

U nadi da će ovaj dodatak biti od koristi za prevenciju i kontrolu infekcije sa SARSCoV 2 i oboljenja COVID-19 u osnovnim i srednjim školama u Kantonu Sarajevo, srdačno Vas pozdravljamo.


S poštovanjem,

Izradila/kontrolisala:



Prim. dr Alma Bungur, specijalista epidemiolog
Rukovodilac Odjela za epidemiologiju zaraznih
bolesti

 **DIREKTORICA:**



Prof. dr.med.sci. Aida Pilav

Prilog:

- **ANEKS I metodološkog uputstva za prevenciju i kontrolu infekcije sa SARSCoV 2 i oboljenja COVID-19 u osnovnim i srednjim školama u Kantonu Sarajevo**

Dostaviti:

- Naslovu
- RJ za epidemiologiju
- a/a

ANEKS I metodološkog uputstva za prevenciju i kontrolu infekcije sa SARSCoV 2 i oboljenja COVID-19 u osnovnim i srednjim školama na području Kantona Sarajevo

1. Ukoliko je učenik bolestan kod kuće sa sumnjom ili dokazanim oboljenjem COVID-19:
 - Učenik ne dolazi u školu, javlja se porodičnom ljekaru koji određuje dalju dijagnostiku i liječenje;
 - Roditelj obavještava školu o razlogu izostanka učenika iz škole;
 - Ostali učenici iz razreda i nastavnici koji predaju tom razredu, **u slučaju provođenja i pridržavanja epidemioloških mjera u školi**, nastavljaju nastavu, uz pojačan nadzor nad njihovim zdravstvenim stanjem narednih 14 dana (popunjavanje ček liste zdravstvenog stanja), te nastavak vođenja Liste kontakata zaposlenika.
 - U slučaju **neprovođenja i nepridržavanja epidemioloških mjera**, odjeljenje i nastavnici koji tom odjeljenju predaju idu 14 dana na „online“ način rada od momenta zadnjeg rizičnog kontakta sa dokazano pozitivnim učenikom.
2. Ukoliko se kod učenika tokom boravka u školi pojave simptomi koji upućuju na COVID-19:
 - Učenik se smjesti u prostoriju za izolaciju do dolaska roditelja, te se preporučuje telefonsko javljanje porodičnom ljekaru na dalje dijagnosticiranje i liječenje;
 - Ostali učenici iz razreda i nastavnici koji predaju tom razredu, **u slučaju provođenja i pridržavanja epidemioloških mjera u školi**, nastavljaju nastavu, uz pojačan nadzor nad njihovim zdravstvenim stanjem narednih 14 dana (popunjavanje ček liste zdravstvenog stanja), te nastavak vođenja Liste kontakata zaposlenika.
 - U slučaju **neprovođenja i nepridržavanja epidemioloških mjera**, odjeljenje i nastavnici koji tom odjeljenju predaju idu 14 dana na „online“ način rada od momenta zadnjeg rizičnog kontakta sa dokazano pozitivnim učenikom.
3. Ukoliko se u istom odjeljenju u toku 6 dana pojavi još jedan ili više slučajeva učenika sa sumnjom ili dokazanim oboljenjem COVID-19 cijelo odjeljenje ide 14 dana u izolaciju i prati online nastavni proces.
4. Ukoliko je roditelj/staratelj ili član domaćinstva pod sumnjom na COVID-19 ili je dokazano pozitivan:
 - Učenik se smatra visoko rizičnim kontaktom i ne dolazi u školu;
 - Roditelj telefonom obavještava školu o razlogu izostanka učenika iz škole, telefonom kontaktira sa porodičnim ljekarom;
 - Testiranje i retestiranje „kontakata“ se ne obavlja;
 - Ostali učenici iz razreda i nastavnici koji predaju tom razredu, **u slučaju provođenja i pridržavanja epidemioloških mjera u školi**, nastavljaju nastavu, uz pojačan nadzor nad njihovim zdravstvenim stanjem narednih 14 dana (popunjavanje ček liste zdravstvenog stanja), te nastavak vođenja Liste kontakata zaposlenika.
5. Ukoliko je nastavnik ili drugi zaposlenik škole bolestan kod kuće sa sumnjom ili dokazanim oboljenjem COVID-19:
 - Zaposlenik ne dolazi na posao;
 - Zaposlenik se telefonom javlja porodičnom ljekaru;
 - Zaposlenik obavještava školu o razlogu svog izostanka s posla;
 - Retestiranje se ne obavlja;
 - Učenici kojima taj nastavnik predaje i ostali nastavnici i zaposlenici, **u slučaju provođenja i pridržavanja epidemioloških mjera u školi**, nastavljaju nastavu i posao, uz pojačan nadzor nad njihovim zdravstvenim stanjem narednih 14 dana (popunjavanje ček liste zdravstvenog stanja), te nastavak vođenja Liste kontakata zaposlenika.

- U slučaju **neprovođenja i nepridržavanja epidemioloških mjera**, odjeljenje kojem taj nastavnik predaje i ostali nastavnici koji tom odjeljenju predaju idu 14 dana na „online“ način rada od momenta zadnjeg rizičnog kontakta sa dokazano pozitivnim učenikom.
6. Ukoliko je član domaćinstva pod sumnjom na COVID-19 ili je dokazano pozitivan:
- Nastavnik ili drugi zaposlenik, ako nisu vakcinisani, se smatraju visoko rizičnim kontaktom i ne dolaze u školu na posao;
 - Zaposlenik telefonom obavještava školu o razlogu izostanka s posla, telefonom kontaktira porodičnog ljekara;
 - Testiranje i retestiranje „kontakata“ se ne obavlja;
- Učenici iz razreda kojem taj nastavnik predaje i ostali zaposlenici, **u slučaju provođenja i pridržavanja epidemioloških mjera u školi**, nastavljaju nastavu i posao, uz pojačan nadzor nad njihovim zdravstvenim stanjem narednih 14 dana (popunjavanje ček liste zdravstvenog stanja), te nastavak vođenja Liste kontakata zaposlenika.
- Nastavnik ili drugi zaposlenik škole koji su vakcinisani sa 2 doze vakcine, a od druge doze je prošlo najmanje 14 dana, ne idu u izolaciju, čak i u slučaju bliskog kontakta sa oboljelim. Oni se u narednih 14 dana pojačano pridržavaju higijensko-epidemioloških mjera i prate eventualnu pojavu simptoma. U slučaju pojave simptoma ostaju kod kuće.